

醫

學

綱

目

醫學綱目卷之二十四

脾胃部

水脹通論

水脹皆本於勞勞過度

黃帝問曰水穀入于口輸于腸胃其液別為五天寒衣薄則為溺與氣天熱衣厚則為汗悲哀氣并則為泣中焦胃緩則為噎邪氣內逆則氣為之閉塞而不行不行則為水脹余知其然也不知其何由生願聞其道岐伯曰五穀之津液和合而為膏者內滲入于骨空補益腦髓而下流于陰股陰陽不和則使液溢而下流于陰髓液皆減而下下過度則虛虛故腰背痛而脛痠陰陽氣道不通四海塞閉三焦不瀉津液不化水穀并行腸胃之中別于迴腸留于下焦不得滲膀胱則下焦脹水溢則為水脹

五癃津液下過

度也

診法

本臍腹四肢悉腫者為水但腹脹四肢不甚腫為蠱

蠱即腹中

靈黃帝問于岐伯曰水與膚脹鼓脹腸覃石瘕石水何以別之岐伯荅曰水始起也目窠上微腫如新臥起之狀其頸脉動時欬陰股間寒足頸腫腹乃大其水已成矣以手按其腹隨手而起如裹水之狀此其候也黃帝曰膚脹何以候之岐伯曰膚脹者寒氣客于皮膚之間皤皤然不堅腹大身盡腫皮厚按其股胕而不起腹色不變此其候也鼓脹何如岐伯曰腹脹身皆大大與腹脹等也色蒼黃腹筋起此其候也腸覃何如岐伯曰寒氣客于腸外與衛氣相搏氣不得榮因有所繫癖而內着惡氣乃起瘕肉乃生其始生也大如鷄卵稍以益大至其成如懷子之狀久者離歲按之則堅推之則移月事以時下此其候也石瘕何如岐伯曰石瘕生于胞中寒氣客于子門子門閉塞氣不得通惡血當瀉不瀉衄以留止日以益大狀如懷子月事

不以時下皆生于女子可導而下黃帝曰膚脹鼓脹可刺邪岐伯曰先瀉其脹之血絡後調其經刺去其血絡也

論○石水腫已

下腫其時沉

水腫

先目足腫然腹大爲水

胎前水

產後水

素帝曰其有不從毫毛生而五臟陽以竭也津液充郭

王云不從毫毛生言生于內也津液者水也充滿也郭其魄

皮也蓋屬陽於外津液得以充滿於郭而汗腫也獨居孤精於內氣耗于外形不可與衣相保此四極急而

動中是氣拒于內而形施于外治之奈何岐伯曰平治於

權衡去宛陳莖微動四極溫衣繆刺其處以復其形開鬼

門潔淨府精以時服五陽已布疎滌五臟故精自生形自

盛骨肉相保巨氣乃平

湯液醪醴論○開鬼門發汗也

衡謂察其脈浮沉也脈浮爲在表脈沉爲在裏在裏者泄之在表者汗之故下文云開鬼門紫微府也去宛陳莖謂

去積久之水物猶如莖莖之不可久留於身中也微動四極謂微動四肢令陽氣漸以宣行故曰溫衣也

仲諸有水者腰已下腫當利小便腰已上腫當發汗乃愈
風水脉浮身重汗出惡風者防已黃芪湯主之

防已

黃芪

白朮

甘草

炙半

右剉每服五錢生姜四片棗一枚水盞半煎取八分去
查溫服良久再服腹痛加芍藥一法繁古用此湯調五

苓散治因濕為腫者

又方防已湯治風濕脉浮為在表其人或頭汗出無表症病者但下

重從腰已上為和腰已下常腫及身重難以屈伸

皮水為病四肢腫水氣在皮膚中四肢聳動者防已茯苓湯主之

防已

黃芪

桂枝

茯苓

炙六

甘草

右五味以水六升煮取二升分溫三服

厥而皮水者蒲灰散主之

方見淋已上利小便法

風水急風一身悉瘡脉浮不渴續自汗出無大熱越婢湯主之

麻黃六兩

石膏半斤

生姜三兩

大棗十五枚

甘草二兩

右五味以水六升先煮麻黃去上沫內諸藥煮取三升分溫三服惡風者加附子一枚炮風水加朮四兩裏水者一身面目黃腫其脉沉小便不利故令病水假如小便自利此亡津液故令渴也越婢加朮湯主之于前越婢湯加白朮四兩甘草麻黃湯亦主之

甘草二兩

麻黃四兩

右二味以水五升先煮麻黃去上沫內甘草煮取三升溫服一升重覆汗出不汗再服慎風寒

水之為病其脉沉小屬少陰浮者為風無水虛脹者為氣

水其汗即已脉沉者宜麻黃附子湯浮者宜杏子湯

麻黃三兩

甘草二兩

附子一枚

右三味以水七升先煮麻黃去上沫內藥煮取二升半

溫服八合日三服

已上發汗出愈

平溪法

水腫因脾虛不能制水水積妄行當以參朮補脾使脾氣得實則能健運自然升降運動其樞機則水自行非若五苓之行水也宜補中行濕利小便切不可下當用二陳湯加白朮人參蒼朮爲主佐以黃芩麥門冬制肝木若腹脹少佐厚朴氣不運加木香木通氣若陷下升麻柴胡提之隨症加減必須補中用大劑白朮補脾如壅滿用半夏陳皮香附監之有熱者當清肺金閉冬黃芩之屬 赤岸馬令八官素飲食不知飽但食肉必泄忽遍身發腫頭面加多致目亦不可開脇間滿如築兩足麻至膝而止渾身

不可見風陰器挺長其脉左沉而重取不應右三部雖短
小却有和滑氣象遂令單煮白朮湯飲早晨空心探而去
之食後白朮二錢麻黃五分川芎半錢防風三分作湯下
保和丸五十九如此者二日因吐中得汗通體上截爲多
遂得腫寬而眼開氣順而食進却于前方中麻黃防風加
白朮三錢木通通草各半錢下保和丸五十九如此者五
日而安此即開見
門之法也

蘆節婦年二十餘半月之前夜間發熱面先腫次及身足
腫肚亦腫口渴思冷水食畧減

大腹皮半錢

白朮一錢半

蒼朮一錢半

梔子四枚

川芎一錢

麻黃六分

木通一錢

乾葛二錢

甘草稍些

朱秀才因久坐受濕能飲酒下血以苦瀉藥耗之遂成腫

疾而肚足皆腫口渴中滿無力少汗脉澀而短乃血爲濕氣所傷法當行濕順氣清熱進食化積

滑石

六錢

白朮

二錢

木通

三錢

厚朴

乾葛

各二錢

蒼朮

一錢

分四貼加蘇葉七片每一貼煎至三之一熱下保和丸與點丸溫中丸各五十丸

王三九孺人浮腫膈滿腹滑泄口苦而渴小便赤少脉虛而豁大稍遲此有汚積病爲人性急

滑石

一兩

陳皮

四錢

蘇梗

白朮

川芎

木通

厚朴

各二錢

茯苓皮

一錢半

甘草

稍半錢

分六帖用順流水煎下保和丸廿五丸抑青丸十丸

吳孺人胃中有積發爲腫成瘰癧身倦食少惡寒發熱脉

虛而沉

白朮

一兩六錢

滑石

二兩

生地

木通

川芎

各半

黃芩

茯苓皮

連翹

各四錢

紫蘇

三錢

甘草

炙一錢半

下保和丸三十九

一女子年三十餘歲腫病有熱服藥得安但兩足下節不

退肚肉自覺尚有熱脈却平矣飲食如昨

白朮

錢一

郁李仁

半兩

蘇梗

木通

條芩

檳榔

枳實

炒半兩

青皮

一兩

甘草

稍錢

分十貼細研郁李仁以順流水三盞盪起煎一盞食前

熱服

張郎廿歲秋得腫疾午前上甚午後下甚口渴乏力脉濇

弱食亦少稟氣素怯汗不能自出鱗而為水與炙三里肺俞大椎合谷分水又與此方

白朮一錢

陳皮五錢

黃芩

紫蘇

海金沙

木通

大腹皮

茯苓皮

乾葛炒

厚朴

甘草各二錢

作一貼水煎服

光明人脚腫肚畧急身微熱脉畧數口乾

白朮一錢

茯苓五錢

乾葛炒五錢

蘇梗五錢

大腹皮三錢

甘草炙一錢

川芎二錢

陳皮五錢

許宅婦人二十已上脚踝腫近日有瘡毒

白朮七錢

蒼朮

陳皮

犀角末

川芎五錢

木通

連翹

蘇葉各三錢

甘草粘一錢

分七貼前後入姜汁令辣熱食前服

馮官人因內有濕積兼時令濕熱右腿少陽分發爛瘡如掌大痒甚兩手脈洪緩數數面目手足俱虛腫隔中午前痞悶午後腫到兩足則隔寬

犀角

生五分

枳殼

炒五分

陳皮

連翹

白米

各一錢

木通

五分

蒼朮

五分

甘草

稍二分

茯苓

五分

加姜汁煎服

馮客瘡而發腫微渴脉左手虛右手大食少

白朮

一錢半

陳皮

錢一

木通

厚朴

炒

大腹皮

各五分

甘草

炙二分

牛膝

五分

蘇梗

三分

姜

片三

馮孺人瘡而浮腫大便自利

人參

半夏

陳皮

各一錢

川芎

蒼朮炒

白芷各五分

木通二錢

白朮一錢半

甘草各三分

王官人年四十瘧兩日一發始善啖至春作腫大小便秘

食少面浮腫口渴

厚朴一錢

白朮一錢半

木通七分

陳皮一錢

川芎

大腹皮各五分

牛膝

滑石各一錢

甘草各三分

右丹溪治水腫之法十五條其法大率皆以甘草佐白朮參陳等劑補中氣為君木通滑石郁李仁海金沙行水為臣厚朴大腹皮蘇梗通滯氣為佐使如氣不昇浮惡疾脉沉者探吐以提之頭面先腫加麻黃微汗之挾積氣者佐以保和溫中抑青等丸磨之挾熱者佐以黃芩之類清之挾瘡癰者佐以連翹犀角散之而隨証加

減也

先補後
攻

羅治腫以胃氣爲本至元戊寅五月間積雨淋淫魯齋許仲平先生時年五十有八面目肢體浮腫大便秘澀多腹脹腸鳴時痛飲食減少命予治之脉得弦細而緩魯齋曰年壯時多服牽牛大黃藥面目四肢時有浮腫今因陰雨故大發予曰營運之氣出自中焦者胃也胃氣弱不能布散水穀之氣營養臟腑經絡皮毛故氣行而澹爲浮腫大便秘澀多而肢脹腸鳴皆濕氣勝也四時五臟皆以胃氣爲本五臟有胃氣則和平而身安若胃氣虛弱不能運動滋養五臟則五臟脉不和平本臟之氣盛者其脉獨見輕則病過甚則必死故經曰真臟之脉弦無胃氣則死先生之疾幸而未至于甚尚可調補人知服牽牛大黃爲一時之快不知其爲終身之害也遂以平胃散加白朮茯苓草薢

仁數服而腹脹漉泄腸鳴時痛皆愈飲食進止有四肢浮腫以導滯通經湯主之良愈

導滯通經湯治痺濕有餘及氣不宣通面目手足浮腫

陳皮

桑白皮

白朮

木香

各五錢

茯苓

一兩去皮

霖兩時加澤瀉一兩

右咬咀每服五錢水二盞煎至一盞食前溫服

白茯苓湯能變水

先攻後補

白茯苓

澤瀉各二兩

郁李仁五錢

右咬咀作一服水一碗煎至一半生姜自然汁入藥常

服無時從少至多服五七日後覺腹下再腫治以白朮

散

白朮

澤瀉各半兩

秘方

右爲末煎服三錢或丸亦可煎茯苓湯下三十九以黃芪芍藥建中湯之類調養之平復後忌房室猪魚鹽麪等物

本大棗湯治四肢腫滿用白朮三兩咬咀每服半兩水一盞半大棗三枚拍破同煎至九分去渣溫服日三四服不拘時候

梅治水腫不能服藥商陸一升羊肉六兩以水一斗煮取六升去渣和肉葱豉作臠如常法食之商陸白者好

食醫治十種水氣痛不瘥欲死者鯉魚一頭重一斤已上者煮熟取汁和冬瓜葱白作羹食之 治十種水氣病不瘥垂死者青頭鴨一隻治如食法細切和米并五味煮令熟作粥空腹食之

梅治水氣脹滿小便清白鴨一隻去毛腸洗淨饋飯半升

與椒姜同穰鴨腹中縫定如法蒸熟食之

子和郎之營兵秋家小兒病風水諸醫用銀粉粉霜之藥小便反瀉飲食不進頭腫肚脹四肢皆滿狀若水晶求治戴人戴人曰此証不與壯年同壯年病水者或因留飲及房室此小兒終七歲乃風水証也宜出汗乃置燠室以屏帳遍遮之不令見火若內火見外火必昏瞶也使大服胃風湯而浴之浴訖以布單重覆之凡三五重其汗如水腫乃減五分隔一二日又依前法治之汗出腫減七分又三汗而全減尚未能食以楨榔丸調之兒已嬉笑如常日矣

本治水氣羌活散

羌活

羅藹子

各等分

右同炒香熟去羅藹子不用末之溫酒調下二錢一日一服二日二服三日三服取効

紫蘇

羅玉皮散治他病愈後或瘧痢後身體面目四肢
便利脉虛而大此由脾肺虛弱不能運行諸氣氣虛不
理散漫於皮膚肌腠之間故令腫滿也此藥並宜服之

大腹皮 赤茯苓皮 生薑皮 陳皮

桑白皮 炒各等分

右件為粗末每服五錢水一大盞同煎至八分去渣溫
服不拘時候日進三服

香蘇散治水氣虛腫小便赤澀

陳皮 去白一兩 防已 木通 紫蘇葉 各半兩

右為末每服二錢水二盞生薑三片同煎

外治水病洪腫氣脹不消食用香需五十斤細剉納釜中
水浸上數寸煮使氣盡去查澄清熬稠丸如桐子大日三
服每服五丸稍加之以小便利為度

梅治水腫作坐臥不得頭面身體悉腫取東引花桑枝燒

灰淋汁煮赤小豆空心食令飽飢即食盡不得吃飯

兵治水病初得危急冬瓜不限多少任吃神効無比丹溪云冬

瓜性急火病與陽虛者忌之

丹十種水氣冬瓜去穰納赤豈在內蒸熟爲丸服 治痢

日久津液枯四肢腫口乾用冬瓜黃土厚包五寸煨熟去

土取汁飲之錄

羅白丸子治遍身腫及卑腹脹滿喘悶不快小便赤澀神

効

輕粉分五 粉霜炒四錢 硃砂研炒三錢 滑石研炒四錢

寒水石炒三錢 白丁香研末三錢

右件藥將輕粉滑石二味一處研勻用薄紙裹了却更

和白麵作餅再裹前藥又用桑柴火燒以熟爲度取出

與前四味一處和勻水浸蒸餅搗乾爲丸如菴荳大
日姜湯下三服食前下第一日每服二丸第二日每服
三丸第三日每服四丸第四日每服五丸如覺小便多
腫漸減便勿服如小便不多更服一日二日加作六丸
做一服一日亦三服腫消爲効如服藥至第三日覺牙
縫內痒痛口氣出時使用漱口藥用貫衆黃連各半兩
爲散每服一錢水一盞煎至七分入龍腦少許攪勻溫
服之每一日煎一錢漱口如腫消忌鹽魚肉冷硬果食
只服粥百日永瘥如臍滿秘瀉氣實先服治腫海藻散
此藥親用救人甚多神効

海藻散

方見本門
續氣各

仲牡礪澤瀉散治腰以下腫

方見
傷寒

河葶塵丸治一切水濕氣通身腫不可當者

人參一兩

苦葶藶

四兩干鱗肉帶上炒黃色為度

右二味同為細末用東肉和丸桐子大每服十五丸煎桑白皮湯下日進三服空心食前驗

羅聖靈丹治脾肺有濕喘腫盛小便赤澀

苦葶藶

四兩

木香

檳榔

茯苓

新製

防風

木通

人參

已上各二錢半恐是二兩半

右為末用東肉為丸如桐子大煎桑白皮湯下

垣赤茯苓

九治脾濕太過四肢腫滿腹脹喘逆氣不宣通

小便赤澀

葶藶

四兩

防已

二兩

赤茯苓

一兩

木香

五錢

右為細末東肉丸如桐子大每服三十九丸煎桑白皮湯

下食前

續隨子丸治遍身虛腫喘悶不快

人參

漢防已

赤茯苓

木香

檳榔

各五錢

苦葶藶

四兩

續隨子

兩

海金沙

五錢

右爲細末東肉丸如桐子大每服二三十九煎桑白皮湯食前下

海藥古方治水腫用蜈蚣去頭尾與葡萄心同搗露七日

曝乾爲末淡酒調下暑月濕用尤佳

聖惠方治水腫喘促不得臥蜈蚣五枚爲

末食前湯調半錢至一錢小便通効

積者五下

仲夫水病人目下有臥蚕或面目鮮澤脉伏其人消渴病

水腹大小便不利其脉沉細者有水可下之

輕劑

世治水腫

薏苡仁根

君木香

檳榔

黑牽牛

右爲末酒調服炒

外療水病腫用鯉魚頭極大者去頭尾及骨唯取肉以

水二升赤小豆一大升和魚肉煮取二升已上生布絞取汁去查頓服盡如不盡分爲三服當下利利盡即瘥

本治身軀腫滿水氣急臥不得郁李仁一大合搗爲末合和麴搜作餅子與吃入口即大便利氣便瘥

丹有人患脚朕腫漸上膝足不可踐地大水頭面遍身腫脹滿用苦瓠瓢實稔如豈大以麴裹煮一沸空心服七枚至午當出水一斗三日水自出不止大瘦乃瘥三年內須

慎口味 一方治腫取苦瓠殼以鹽搽殼上燒存性爲末

煎童便一盞調服瘥

苦瓠須擇無脂細理紫淨者不爾有毒

世三種散治浮腫用陳蘿蔔種去瓢陳蒲殼去瓢烏豈一合同煎服即時退

羅無礙九治脾濕積流四肢腫滿

大腹皮二兩 木香半兩 蓬朮 京三稜

檳榔

郁李仁

各一兩

右爲細末炒麥稊麴糊爲丸如桐子大生姜湯下

本治腫滿小便不利茯苓散

郁李仁

四錢

檳榔

二錢

赤茯苓

白朮

甘遂

切片炒各一錢

陳皮

半錢

右細末每服一錢姜東湯調下

治十種水病并根源証狀方法

一青水先從左右肋腫起根在肝

大戟

二赤水先從舌根起根在心

葶藶子

三黃水從腰腹起根在脾

甘遂

微炒

四白水從脚腫起根在肺

桑白皮

五黑水從外腎腫起根在腎

連翹

六玄水從面腫起根在外腎

芫花

微炒

七風水從四肢腫起根在骨

澤瀉

八石水從腎腫起根在膀胱

藁本

九高水從小腹腫起根在小腸

巴豆去皮

十氣水或盛或衰根在腹

赤小豆

右十般種病各有根源種種不同看十種病根除一味
倍多餘九味等分逐味依法修治焙為細末煉蜜丸如
桐子大用赤茯苓湯吞下三丸不拘時候每日三服忌
鹽一百二十日綠鹽能化水也又忌魚蝦麪食一切毒
物及生冷房室甚効用此方獲瘥後更用後來補藥

補藥方

肉桂

去粗皮

赤茯苓

去皮

乾姜

莪朮

煮

川芎

肉苳蓉

桔梗

各等分依法製服一
方無赤茯苓莪朮有青

木白

檳榔

沒制

右等分爲末每服三錢百沸湯點服空心食前日午晚各一服前項二方治水腫病甚効予試用之百發百中獲濟者無數世間所有水病方藥無出此三方之右者幸勿忽

河三花神祐丸治中滿腹脹一切水濕腫滿

甘遂

大戟

芫花

醋拌濕炒各五錢

大黃

雨一

輕粉

錢一

牽牛

雨二

右爲末滴水丸如小葶大初服五丸每服加五丸溫水下每日三服至快利爲度得利止後服神効

垣海金砂散治脾濕大過通身腫滿喘不得臥及腹脹如

鼓

牽牛

一兩半一半生

甘遂

錢五

白木

雨一

海金砂

錢三

右為細末每服二錢煎倒流水一盞食前調下得宣利止後服

羅海藻散治男子婦人通身虛腫喘滿不快

海藻

大戟

大黃

隨續子

去壳各一

兩右四味用好酒浸一宿取出曬乾候用

滑石

兩半

白牽牛

頭末生一

甘遂一兩

白芫花

個一

青皮

白

陳皮

去白各半兩

右前藥都一處杵為細末大人每服二錢如氣實者三錢平明冷茶清調下至夜時取下水三二行腫減七分隔二三日平明又一服腫消忌魚肉百餘日小兒腫服一錢五歲以下者半錢女人有胎者不可服

虛實

錢

氏論虛實腹脹實則不因吐瀉久病之後亦不因下

利得之脹而喘急悶亂更有痰有熱及有宿食不化者宜

大黃丸白餅子紫霜丸下之更詳別大小便如俱不通先利小便後利大便虛則久病吐瀉後其脉微細主目胞腮虛腫手足冷宜先與壅氣丸後與異攻散及和中丸益黃散和其氣因氣而腫者煎陳皮湯因濕而腫者煎防己黃芪湯調五苓散因熱而腫者八正散又一法燥熱于肺爲腫者乃絕水之源當清肺除燥水自生矣于梔子豉湯中加黃芪如熱在下焦陰消使氣不得化者宜益陰則陽氣自化加黃連黃柏是也

寒熱

中滿分清丸

方見
腫

熱水腫

梔子

五錢

木香

一錢

白朮

二錢半

急流水煎

服 又方山梔子去皮取仁炒槌碎米飲湯送下如胃脘熱病在上者帶皮用

治遊風攻頭面或四肢作腫塊知母湯

知母

麻黃

黃芪

甘草

羌活

白朮

枳殼各一

右粗末每服四錢水一盞半牛旁子百粒研碎煎至七分溫日三四服覺冷不用牛旁子 有一達官母年七十中風手拘攣平日止是附子之類扶養一日面浮腫手背亦腫尋常有一國醫供藥診之是水病欲下大戟牽牛以導之其家大驚憂惶召予議之予曰素問稱面腫曰風足脛腫曰水此服附子大過正虛風生熱之証咽必噎塞膈中不利誠如予言進升麻牛旁玄參湯繼以知母湯三日便愈

細復元丹治三焦不瀉氣脉塞閉樞機不通喘息奔急水氣盈溢滲透經絡皮膚溢滿足脛尤甚兩目下腫腿腹間冷口苦心腹堅脹不得正偃偃則咳嗽小便不通夢中虛

驚不能安臥

獨活兩二

木香炒

川椒炒出

羌活

厚朴

去皮姜製

陳皮

吳茱萸炒

桂心各一兩

澤瀉

一兩半

肉苁蓉

枳榔各半兩

右為末糊丸如桐子大每服五十九煎紫蘇湯送下不拘時此藥世傳屢驗服者宜先屏去諸藥一日三服先服瀉利如傾次即腫消喘止宜絕慾屏鹽半年乃不耳作

治脾虛浮腫實脾散

大附子

一枚

草薢

兩二

甘草

兩一

乾姜

兩二

大腹皮

去皮六兩

木瓜

一個去條切片

右用水于沙器內煮乾一半擘開看乾姜不自心為度亦不得令水乾至焦取出焙乾為末每日午時空心沸

湯點服

藏府

三陰結謂之水

陰陽別論○王註云謂脾肺之勝俱寒結也

下焦溢為水

全元起見診○王註云下焦為分注之所氣壅不瀉則為溢水

陽明所謂上喘為水者陰氣下而復上上則邪客于臟腑間故為水也

運氣

運氣水腫有四

一曰濕經云太陰所至為胛腫又云濕勝則濡泄甚則水閉胛腫又云太陰之勝足脛胛腫飲發于中胛腫于上又云太陰司天客勝則首面胛腫呼吸氣喘治以諸熱是也二曰火熱經云諸病胛腫皆屬于火又云少陽司天火氣下臨肺氣上從寒熱胛腫又云少陽司天火淫所勝民病皮膚痛色變黃赤傳而為水身面胛腫腹滿仰息又云少陽之復渴引水漿化而為水傳為胛腫又云少陽司天客

勝甚則附腫治以諸寒是也

三曰寒經云寒勝則浮是也

四曰燥經云陽明所至爲浮虛是也

針灸

黃帝問曰少陰何以主腎腎何以主水岐伯對曰腎者至陰也至陰者盛水也肺者太陰也少陰者冬脉也故其本在腎其末在肺皆積水也帝曰腎何以能聚水而生病岐伯曰腎者累之關也關門不利故聚水而從其類也上下溢于皮膚故爲附腫附腫者聚水而生病也帝曰諸水皆生于腎乎岐伯曰腎者牝臟也地氣上者属于腎而生水液也故曰至陰勇而勞甚則腎汗出腎汗出逢于風內不得入于臟腑外不得越于皮膚客于玄府行于皮膚傳爲附腫本之于腎名曰風水所謂玄府者汗空也帝曰水俞五十七處者是何主也岐伯曰腎俞五十七穴積陰之

所聚也水所從出入也尻上五行行五者此腎俞故水病
下爲肝腫大腹上爲喘呼不得臥者標本俱病故肺爲喘
呼腎爲水腫肺爲逆不得臥分爲相輸俱受者水氣之所
留也肺腎之標本其上下分爲相輸應之病而俱受者緣此二臟乃水氣之所留故也伏菟上各
二行行五者此腎之街也三陰之所交結於脚也踝上各
一行行六者此腎脉之下行也名曰太衝凡五十七穴者
皆臟之陰絡水之所客也水熱穴論
尻上五行行五

脊中一

懸樞一

命門一

腰俞一

長強一

大腸俞二

小腸俞二

膀胱俞二

中胎內俞二

白環俞二

胃倉二

盲門二

志室二

胞肓二

秩邊二

伏菟上各二行行五

中柱二

四滿二

氣穴二

大赫二

橫骨二

外陵二

大巨二

水道二

歸來二

氣街二

踝上各一行行六

太衝二

復溜二

陰谷二

照海二

交信二

禁賓二

蠱風疥癩脹爲五十七病取皮膚之血者盡取之

四時氣篇

刺灸水腫有五法

其一取腎膀胱經前篇云五十七穴者是取其二經之穴

也又經云腎病者腹大脰腫取其經少陰太陽血者是取

其二經之血也

其二取血絡經前云取皮膚之血者盡取之是也

其三取胃經云胃足陽明之脉所生病者大腹水腫視盛

虛熱寒陷下取之是也

其四取委陽經云三焦病者不得小便溢則水取委陽是也

其五筋針取水先以鉞針針之已刺而筋之引針而納之入而復之以盡其沫必堅來來緩則煩悅來急則安靜間日一刺之沫盡乃止筋針針中有空穴如筋出水也

腫浮腫 分水 中脘各灸 內庭 行間 臨泣各瀉

東水氣皮痛不可近衣小腹敦敦然小便黃身潤 章門

屋翳灸 陰交 章門之

華外腰水腫先從腰腫起 肝募 水分

內中水腫面痿黃 胃脘 通谷 氣海 水分

胞中水腫根在心水赤 心俞 巨闕 氣海

腹中水腫從脾起水黃 脾俞 胃脘 水分

肺喘水腫從胸起水白 肺俞 肝募

足心水腫從足起 白環俞 水分 臍中

四肢水腫變身浮 膽募

兩脇水腫四肢枯瘦從脇腫起 章門 期門

小腸水腫從臍腫起 氣海

保五脈論五水灸法

青水灸肝井肝經 赤水灸心榮心經 黃水灸脾俞脾經 白

水灸肺經肺經 黑水灸腎合腎經

甲身腫關門主之 水腫脹皮腫三里主之 風水膝腫

巨虛上廉主之 風水面肘腫顏黑解溪主之 風水面

肘腫衝陽主之 水中留飲胸脇支滿刺陷谷出血立已

面肘腫上星主之先取譙譙後取天牖風池 水腫人

中盡滿唇反者死水溝主之 水腫大臍平灸臍中無理

診

不治

蓋目窠微腫如卧蚕之狀曰水平人氣足腫曰水

仲病下利後渴飲水小便不利腹滿因腫者何也答曰此

法當病水若小便自利及汗出者自當愈跌陽脉當伏

今反數本自有熱消穀小便數今反不利此欲作水寸

口脉浮而遲浮脉則熱遲脉則潛熱潛相搏名曰沉跌陽

脉浮而數浮脉則熱數脉則止熱止相搏名曰伏沉伏相

搏名曰水沉則絡脉虛伏則小便難虛難相搏水走皮膚

則為水矣

素頸脉動喘疾欬曰水平人氣

仲風水其脉自浮外証骨節疼痛惡風針經論疾診尺篇云視人之目窠上

微癰如新臥起狀其頸脉動時欬按其手足上皆而不起

者風膚腰也又仲澤云太陰脉浮而緊法當骨節疼痛反

不疼身反重而設其人不渴汗出即愈為風水治法見前陽虛條

皮水其脉亦浮外証肘腫按之沒指不惡風其腹如鼓下

渴當發其汗

又云渴而不惡寒者此是皮水蓋法當風水亦當發汗也治

法見陽虛條 正水其脉沉遲外証自喘

石水其脉自沉外証腹滿不喘

大奇論篇腎肝并沉為石水并浮為風水

黃汗其脉沉遲身發熱胸滿四肢頭面腫久不愈必致癰

膿

又云身腫而冷狀如周痺胃中宜不能食反

腫痛寒濕不得眠此為黃汗治法見黃疸條

心水者其身重而少氣不得臥煩而躁其陰大腫肝

水者其腹大不能自轉側脇下腹中痛時時津液微生小

便續通 肺水者身腫小便難時時鴨澹 脾水者其腹

大四肢苦重津液不生但苦少氣小便難 腎水者其腹

大臍腫腰痛不得溺陰下濕如牛鼻上汗其足逆冷面黃

瘦便反重

無大抵浮腫帶數即是虛寒潛止于其間久必沉伏沉伏

則陽虛陰實為水必矣。面龐然浮腫疼痛其色始黑多

汗惡風者屬腎風。治見諸風註諸唇黑則傷肝缺盆平則傷

心臍出則傷脾足心平則傷腎背平則傷肺凡此五傷必

不可治也

仲脉得諸沉當黃有水身軀腫重水病脉出者死。無擇云

脉帶數則通虛實者止于其間久必沉伏氣伏則陽虛陰實為水必矣

脉水病脉洪大者可治微細者不可治。水病腹大如鼓

脉實者生虛者死。水病夜半死。全文見診生死

仲諸病水者渴而不利小便數者皆不可發汗

素帝曰有病腎風者面肘龐然壅塞于言可刺否岐伯曰

虛不當刺不當刺而刺後五日其氣必至帝曰其至何如

岐伯曰至必少氣時熱時熱從背脊上至頭汗出手熱口

乾苦渴小便黃目下腫腹中鳴身重難以行月事不來煩

而不能食不能正偃正偃則咳病名曰風水論在刺法
帝曰願聞其說岐伯曰邪之所湊其氣必虛陰虛者陽必
湊之故水氣時熱而汗出也小便黃者少腹中有熱也不
能正偃者胃中不和也正偃則咳甚上迫肺也諸有水氣
者微腫先見于目下也帝曰何以言之岐伯曰水者陰也
目者亦陰也腹者至陰之所居故水在腹者必使目下腫
也真氣上逆故口苦舌乾卧不得正偃正偃則咳出清水
也諸水病者不得卧卧則驚驚則欬甚也腹中鳴者病本
於胃也薄脾則煩不能食食不能下者胃脘隔也身重難
以行者胃脉在足也月事不來者胞脉閉也胞脉者屬心
而絡于胞中今氣上迫肺心氣不得下通故月事不來也

論評熱

禁忌

仲問曰病者若水面目身軀四肢皆腫小便不利脉之不

考

言水反言胸中痛氣上衝咽狀如炙肉當微咳喘審如師
言其脉何類師曰寸反脉沉而緊沉爲水緊爲寒沉緊相
搏結在關元始時當微年盛不覺陽衰之後榮衛相干陽
損陰盛結寒微動緊氣上衝喉咽塞噎脇下急痛醫以爲
留飲而大下之氣擊不去其病不除後重吐之胃家虛煩
咽噪欲飲水小便利水穀不化面目手足浮腫又與葶
歷丸下水當時如小差食飲過度腫復如前胸脇苦痛象
若奔豚其水揚溢則浮咳喘逆當先攻擊衝氣令止乃治
咳咳止其喘自差先治新病病當在後

丹盧氏醫鏡水腫辨 內經曰諸氣憤鬱皆屬於肺諸濕
腫滿皆屬於脾諸腹脹大皆屬於熱蓋濕者土之氣土者
火之子故濕生於熱熱氣亦能自濕者子氣感母濕之
變也凡病腫皆宜以治濕爲主所挾不同故治法亦異類

例治腫以治水立說而欲導腎以決去之豈理也哉脾土衰弱內因七情外傷六氣失運化之職清濁混淆鬱而爲水類例以爲本末皆隸于肺腎胃三者而不及脾下文繼以肺金盛而生水水液妄行氣息閉樞機壅而爲腫夫脾土受病肺爲之子焉有自盛而生水者哉若謂腫之水果生于肺金之清氣則滋長腎陰奉行降令爲化生之源何病腫之有今滲透經絡注流溪谷皆濁腐之氣窒碍津液久久灌入隧道血亦化水而欲藉脾土以制之導腎氣以利之不思脾病則肝木來侮子氣亦衰木寡于畏脾欲不病不可得矣治法宜清心經之火補養脾土全運化之職肺氣下降滲道開通使敗濁之氣其稍清者復回而爲氣爲血爲津液其甚者在上爲汗在下爲溺以漸而分消矣今不明言而曰制水燥水得非白圭以隣國爲壑乎經言

腫病因津液充郭而致不生于肺金之盛也明矣又言氣拒于內氣耗于外責其不能滲運敗濁耳又云開鬼門潔淨府鬼門府腠也屬肺淨府膀胱也屬腎之府未聞有導腎氣之說註文明言陰精耗損腎氣果可導乎仲景謂治濕利小便卽經中潔淨府之意苟以清淨爲腎而導之果於經意有合乎錢仲陽謂腎無瀉法其可輕易導之乎或曰經言疏滌五臟非導腎歟予曰此承上文五陽已布而言若鬼門開矣淨府潔矣五官之陽氣條布彼敗濁之氣自然疏導滌除于腎氣何與焉

胎前水腫

表裡
利
雲防已湯治妊娠脾虛遍身浮腫心腹脹滿喘促小便不利

防已

七錢半

桑白皮

赤茯苓

紫蘇

葦葉各一兩

木香

二錢半

右爲粗末每服四錢姜四片水同煎食前服

葶藶散治妊娠遍身洪腫

葶藶子

一兩

白朮

五兩

茯苓

桑白皮

郁李仁

各二兩

右爲粗末水六升煎取二升分三服小便利卽瘥

又方 澤瀉

葶藶

各二兩

茯苓

枳殼

白朮

各六兩

右細切以水六升煮取二升半分溫二服

子和治妊娠從脚上至腹腫小便不利微渴猪苓五兩末

以熟水服方寸七日三服

丹子腫多濕用山梔一撮米飲吞下

產後水腫

大法

丹產後腫必用大補氣血為主少佐以蒼朮茯苓使水自利

汚血

天大調經散治產後腫滿喘急煩渴小便不利

大荳

一兩半
炒去皮

茯神

一兩

真琥珀

二錢

右為細末濃煎烏荳紫蘇湯調下

產後四肢浮腫者敗血循經流入四肢滯留日深腐爛如水故令四肢腫面黃宜服小調經散血行腫消則愈

沒藥

琥珀

桂心

芍藥

當歸

各一錢

細辛

麝香

各五分

右為細末每服半錢姜汁酒各少許調停服

虛實

丹婦人產後浮腫小便少口渴渴惡寒無力脉皆沉此脉虛而有濕熱之積必上焦滿悶宜補中道水行氣可也

白朮

二兩半

陳皮

一兩

川芎

半兩

木通

六錢

寒熱

茯苓_{三錢}

下與點九廿五丸

大奪魂散治產後虛腫喘促利小便則愈

生薑

_{三兩取汁}

白麴

_{三兩}

半夏

_{七兩}

右以生薑汁搜麴裏半夏爲七餅子煨焦熟爲末水調一盞小便利爲効

聖如產後風寒在表面目四肢浮腫宜局方中七聖丸白

湯下日加以利爲度

_{七聖丸方見痔}

如浮腫至膝喘嗽加木香

枳榔倍之謂氣多也

如浮腫又頭痛昏冒加羌活川芎

謂風多也 如只浮腫止七聖丸本方服之

垣中滿分清丸

_{方見張門熱系用四物易否之}

杜張宣徽侍寵產後半月忽患浮腫急召產科醫治經半

月不瘥病勢轉劇召杜治之杜至曰諸醫作何病張曰皆

云水氣浮腫杜曰非也且水氣發咳嗽小便澀是也今愛
 寵小便不澀不作咳嗽惟手足寒乃血藏虛氣塞不通流
 面生浮腫遂用益血和氣藥治之旬日病去七八經半月
 全愈所用之藥乃灵苑方牡丹散也其方云治血藏風虛
 冷今產科家多用此藥治產後諸病如神更名曰損金湯
 者是也 牡丹散 方見產後
 疾 天加減吳茱萸湯治婦人血藏虛宿挾風冷身面虛浮等

吳茱萸 半斤 桔梗

乾姜 甘草

麥冬 門 防風

半夏 細辛

當歸 赤茯苓

牡丹皮 桂心 各半

右為粗末每服四錢水一盞半煎至七分去渣食前熱服

方

丹產後風腫水腫澤蘭防已等分溫酒調下二錢如不能飲者醋調下亦可成氏

小腹脹 胎前脹 產後脹

大法

先腹大後四肢腫為脹 或獨腹大四肢不腫者治法同
無附子藜蘆湯治寒客皮膚殼殼然而堅腹大身腫按之陷而不起色不變病名膚脹一劑未知再作

大附子

一兩重七錢者
生去皮脂半破

藜蘆二兩

右以生薑二兩切水二碗煎至一碗去渣分三服空腹溫服次日將前附子破作四片再用藜蘆二兩姜一兩如前煎服停三日復將附子作八片如前煎服

治鼓脹法並見後行濕寒熱氣血諸條皆其法也

虛寒

仲脹滿按之不痛為虛痛者為實可下之 腹脹時減復

如故此為寒當與溫藥 腹滿不減減不足言須當下之

宜大承氣湯

海脾虛滿者黃芪湯

芍藥

脾實滿不運平胃散

蒼朮

東垣云腹脹滿氣不轉者加厚朴以破滯氣腹中忤悶此非腹脹滿乃散而不收可加芍藥收之是知氣結而脹宜厚朴散之散而脹宜芍藥收之

補虛行
濕

丹鼓脹大補中氣行濕此乃脾虛之甚必須遠音樂斷厚味朝寬暮急血虛暮寬朝急氣虛終日急氣血皆虛用大劑人參白朮佐以陳皮蒼朮茯苓之類有血虛者四物行血隨証加減凡補氣必帶厚朴寬滿腹脹必少佐厚朴者蓋厚朴味辛以氣聚于上焦故也氣不運加木香氣若陷下用升麻柴胡以提其氣水腫當補脾為主白朮茯苓陳皮佐之

鼓脹論

心肺陽也居上腎肝陰也居下脾居中亦陰

屬土經曰飲食入胃遊溢精氣上輸于脾脾氣散精上
于肺通調水道下輸膀胱水精四布五經並行是脾具坤
靜之德而有乾健之運故能致心肺之陽降腎肝之陰升
而成天地交之泰是爲無病之人今也七情內傷六淫外
侵飲食失節房勞致虛脾土之陰受傷轉輸之官失職胃
雖受穀不能運化故陽自升陰自降而成天地不交之否
于斯時也清濁相混隧道壅塞氣化濁血瘀鬱而爲熱熱
留而又氣化成濕濕熱相生遂成脹滿經曰鼓脹是也以
其外雖堅滿中空無物有似于鼓其病膠固難以治療故
又名曰蠱若虫侵蝕有蠱之義驗之治法理宜補脾又須
養肺金以制木使脾無賊邪之慮滋腎水以制火使肺得
清化之令却蠱味以防助邪斷妄想遠音樂以保母氣無
忌利藥有不妄醫者不察病起于虛急於取効術能希賞病者苦

補氣血
為主

於脹急喜行利藥以求一時之快不知寬得一日半日其
腫愈甚病邪甚矣真氣傷矣去死不遠古方惟禹餘糧丸
又名石中黃丸又名紫金丸制肝補脾殊為切當亦須隨
証又須順時加減用之為妙予友俞仁叔儒而醫連得家
難年近五十得此疾自制禹餘糧丸服之予診其脈弦澹
而數曰此丸新製煅煉之火邪尚存溫熱之藥太多宜自
加減不可執方俞笑曰今人不及古人此方不可加減服
之一月口鼻出血色黑骨立而死 楊兄年五十性嗜酒
病瘧半年患脹病自察必死來求治診其脈弦而澹重則
大瘡未愈手足瘦而腹狀如蜘蛛遂教以參朮為君當歸
川芎芍藥為臣陳皮黃連厚朴茯苓為佐生甘草些少作
濃湯飲之一日定三貼彼亦嚴守戒忌一月後瘡得汗而
愈又半月小便長而脹愈中間雖少有加減大意只是補

氣行濕 又陳氏年四十餘性嗜酒大便時見血于春間
患脹色黑而腹大其形如鬼診其脈數而瀦重似弱予以
四物加黃連黃芩木通白朮陳皮厚朴生甘草作湯與之
近一年而安一補氣一補血餘藥大率相出入皆獲安以
保天壽或曰氣無補法子何補氣而獲安果有說以通之
乎予曰氣無補法乃世俗之言也蓋氣之爲病痞悶壅塞
似難於補恐增病勢不思正氣虛者不能運行邪滯所著
而不去所以爲病經曰壯者氣行則愈怯者著而成病苟
或氣怯不用補法氣何由行或曰子之藥審則審矣何効
之遲也病者久在床枕將必厭子之迂而求速効者矣余
曰此病之起或三五年或十餘年根深勢篤欲求速効自
求禍耳知王道者能治此病也或曰脹病將終不可與利
藥乎予曰灼知其不因于虛受病亦淺脾胃尚壯積滯不

固而又有可下之証亦宜畧與疏導若按張子和濟川散
禹功丸爲例行迅攻之策實所不敢 潘可達女年十九
歲稟受頗厚患胃腹脹滿自用下藥利十數行時脹無增
減來求治診其脈皆大畧按卽散而無力全無數意予曰
此有表証反攻裏當死賴稟受好時又在室尚可挽回壽
指矣急與四物湯加人參白朮帶白陳皮炙甘草煎服至
半月後病不退又自用蘿蔔根種煎湯澡浴兩度時腫稍
增予曰表病攻裏已自難救今又虛其表事急矣于前藥
去地黃芍藥加黃芪倍白朮大劑濃煎湯飲又吞人參白
朮丸十日後如初病時又因吃難化物自利以參朮爲君
少加陳皮爲佐又與肉苳蔻訶子爲君山查子爲使粥和
作丸吞之至四五十貼而安 一男子年四十餘患癰父
而腹脹脈不數而微弦重取則來不滑利輕重又皆無力

遂與索氏三和湯三倍加白朮入姜汁服之數服而瘥愈
小便利二三行脹稍減遂又小便短少予作氣血兩虛于
前藥內入人參半膝當歸身尾作大劑料百服而愈
索氏三和湯三倍加白朮方

白朮

厚朴

陳皮

各三兩

木通

一兩

枳榔

紫蘇

各二兩

甘草

海金沙

大腹皮

白茯苓

枳殼

各一兩

水煎服

經調胃白朮澤瀉散治痰病化為水氣傳變水穀不能食

白朮

一斤

澤瀉

芍藥

陳皮

茯苓

生姜

木香

枳榔

各一兩

右為末治腹腫如神 若心下痞加枳實 若心下盛

加牽牛

仲心下堅大如盤邊如旋杯水飲所作枳朮湯主之

枳實七

白朮二

右二味以水五升煮取三升分溫三服腹中軟即當散也

因積成
虛者補
虛清積

羅真定王君用年一十九歲病積臍左連脇如覆杯腹脹潮熱夜有盜汗求予往治之脉得浮數按之有力謂病家曰凡治積非有毒之劑攻之則不可今脈虛弱如此豈敢以常法治之遂投分滲益胃之劑數服而便清自調襍以升降陰陽進食和氣而腹大減胃氣稍平間以消積之劑不月餘良愈先師嘗曰潔古老人有云養正積自除譬如滿座君子縱有一小人自無容地今令真氣實胃氣強積自消矣

丹一婦人年三十六歲家貧多勞性偏急自七月斷經至

八月小腹下有一塊偏左如拳有時塊起即痛作伏則
減至半月後腹漸腫脹食減平時三分之二無力遇夜發
熱天明即稍退其脉得虛微短弱左尤甚初與白朮一
斤帶白陳皮一斤作二十貼服以三聖膏貼塊上經宿則
塊軟再宿則塊小旬日後食稍進熱減半脉稍有力又與
白朮一斤帶白陳皮半斤酒當歸身半斤木通三兩每貼
研桃仁九粒盡此劑病悉除 一婦人年五十餘歲素好
怒因食燒猪肉次早面脹絕不思食倦怠六脈沉瀉獨左
豁大余作軀虛有痰氣為痰所隔不得降當以補虛利痰
為主每早以二陳湯加參朮大劑與一貼服後探令吐出
藥辰巳時復與索氏三和湯一倍加白朮二貼至睡後以
神佑七丸以撓其痰去牽牛如此服至一月而安矣 金
壽一安人年七十一歲好濕麪得帶下病亦惡寒淋瀝醫

與荷花鬚柴胡等藥發熱所下愈多醫與縮砂豆蔻藥以
其食少也腹滿脹氣喘又與葶藶散不應又與禹餘糧丸
病愈甚醫又與崇土散亦不應予脉之兩手洪濇輕則弦
長而滑實至是喘甚不得臥此不是濕而釀成濕在足太
陰陽明二經水穀之氣爲濕所抑不得上升遂成帶下理
用升舉之劑以補氣和血次之而醫反與瀉燥宜其展轉
身病遂與人參生肺之陰以拒火毒白朮以補胃氣除濕
熱行水道薏仁去汚生新郁李仁行積水以通草佐之犀
角屑解食毒消腫悶檳榔治最高之氣作濃湯吞下保和
丸藥又疑素厚養有肉積加阿魏小丸同嚥之四五日後
積氣漸消腫漸下又加補腎丸以生腎水之真陰又兩三
日後漸安而得膳食有味矣又兩日後加與點丸以驅逐
肺家之積熱而愈

一丈夫脾有熱腎有虛胃有積得腫疾或進或退口乾或
氣喘醫連月不退脉軟而細以其形肥不以爲忌用

白朮

錢四

芍藥

地黃

錢三

連翹

當歸

錢二

青皮

錢二

人參

木通

羌活

黃芩

各一錢半

甘草

紅花

些

右分五貼煎下保和丸

楊生年三十因瘧初安淡食豈腐齋飯成脹在膈上小便
赤少不思食口渴脉弦而濡此胃中有瘀血用

蘇梗

錢三

木通

錢半

白朮

錢一

川芎

枳實

白芍

各五錢

甘草

一分

陳皮

五錢

厚朴

錢三

右研益元散下保和丸五十粒

一丈夫氣上肚或膨脹此下虛所致

陳皮錢五

人參

歸類

白朮

連翹各三錢

地黃

芍藥各二錢

木通半錢

甘草分五

右分五貼煎下保和丸

木香化滯湯

白芷錢一

陳皮

大腹子

白茯苓

砂仁

人參錢一

青皮

檳榔

木香

姜黃錢二

白朮錢一

甘草錢四

白檀分二

藿香葉分二

桔梗分五

右為細末水一大盞二分煎至一盞稍熱服食前沸湯

點服亦得

右方治因積滯成脹皆以參朮朴通等煎湯補虛行濕下神佑阿魏等丸消積所謂攻補兼施者也

小温中丸治服是脾虛不能運化不可下之

陳皮

半夏

湯泡去脂

神麴

炒

茯苓

各一兩

白朮

二兩

香附子

不要烘晒

針砂

各一兩半

炒紅

苦參

炒

黃連

炒各半兩

甘草

三錢

右為末醋水各一盞打糊為丸如桐子大每服七八十

丸白朮六錢陳皮一錢生姜一片煎湯吞下虛甚加人

參一錢各用本方去黃連加厚朴半兩忌口病輕者服

此丸六七兩小便長病甚者服一斤小便始長

無禹餘糧丸治十種水氣脚膝腫上氣喘滿小便不利但

是水氣悉皆主之

許李士及丹溪皆云此方治彭脹之要藥

蛇含石

大者三兩

以新鉄銕盛入炭火中燒蛇黃與

銕子一兩紅用鉗取蛇黃傾入醋中候冷取

出研極細

禹餘糧

三兩

真針砂

五兩

先以水淘

餘

并藥

處用米醋二升就燒內煮醋乾為度後用銕

入炭中燒紅鉗出傾藥淨磚地上候冷研細

六

醫學綱目卷三

三

以三物為主其次量人虛實入下項治本多是取轉惟此方三物既非大

載甘遂芫花之比又有下項藥狀非故虛人老人亦可服

羌活 木香 茯苓 川芎 牛膝酒浸 桂心 白荳蔻炮 大茴香炒

蓬朮炮 附子炮 乾姜炮 青皮

京三稜炮 白蒺藜 當歸酒浸一宿各半兩

右爲末拌勻以湯浸蒸餅揆去水和藥再搗極勻丸如桐子大食前溫酒白湯送下三十丸至五十丸最忌鹽一毫不可入口否則發疾愈甚但試服藥即於小便內旋去不動臟腑病去日日三服兼以溫和調補氣血藥助之真神方也

丹麻堅實人壯盛者或可用攻藥便收拾白朮爲主

垣中滿治法開鬼門繫寧府開鬼門者發汗也繫寧府利

表

小便也又中滿者瀉之於內謂脾胃有病當令上下分清其氣下焦如瀆氣血自然分化不待洩滓穢如或大實大滿大小便不利從權以寒熱藥下之或傷酒濕麪及味厚之物膏粱之人又或食已便臥使濕熱之氣不得施化致令腹脹滿此亦是熱脹也治熱脹分消丸主之

仲氣分心下堅大如盤邊如旋杯水飲所作桂枝去芍加麻辛附子湯主之

桂枝

生薑

甘草

大棗

麻黃

細辛

附子

右七味以水七升煮麻黃去上沫內諸藥煮取二升分溫三服當汗出如虫行皮中即愈

聖牛黃琥珀丸治水腫腹大氣息不通危急者神効

牛黃

琥珀

椒目

葶藶

昆布洗炙各一

海藻洗炙各一錢

牽牛步

桂各一兩

右入味為末別研葶藶如泥一處拌勻煉蜜丸如桐子

大每服十五丸米飲下以小便利為度日再服河間方

有麝香龍胆無琥珀易名苦葶藶膏治法與此方同

仲腹滿口舌乾燥此腸胃間有水氣防已椒蘆丸主之

防已

椒目

葶藶炙

大黃各一兩

右四味末之蜜為丸如桐子大先食飲服十九日三服

稍增口中自有津液渴者加芒硝五錢

無葶藶丸治腫滿腹大四肢枯瘦小便澀濁

甜葶藶隔紙炒 薺菜根等分

右為末蜜丸如彈子大每服一九陳皮湯嚼下只三九

小便清數九當依舊已上葶藶椒目行濕

白丸子治單腹脹神効方見水

治水氣壅脹紫澤府楮實子丸

楮實子一斗水二斗 **白丁香**一兩 **茯苓**三兩

右二味為末用楮實膏為丸如桐子大不計丸數縱少至多服至小便清利及腹脹減為度次服中治丸未治

藥調養踈啓其中忌甘苦峻補其下宜五補七宣白

香為行滯之劑中治丸即白米散用白米調膏等分

未以茯苓煎湯調下未治即黃芪建中之類方並見水

世治蟲用蝦蟇一枚去內腸入蜈蚣七個新瓦上焙乾為

末丸酒服如無蜈蚣用縮砂七粒本草云蝦蟇味辛寒

靈黃帝問曰有病心腹滿日食則不能暮食此為何病岐

伯對曰名為鼓脹帝曰治之奈何岐伯曰治之以雞矢醴

一劑知二劑已帝曰其時有復發者何也岐伯曰此飲食

不節故時有病也雖然其病且已時故當病氣聚于腹也

腹中論王註雅矢大利小便微寒用湯漬服之藥古云以酒調服

氣壯因積成

五積久必心腹脹滿肝為肥氣心為伏梁肺為息奔脾

者但治

為痞氣腎氣奔豚如斯之類從五積法治之可也

朱恕八哥肚腫因濕氣起自五月能飲酒左脇有塊兩足時有腫

白朮

三稜醋炒

木通

陳皮

大腹皮

赤茯苓

海金沙各五分

甘草二分

炒朴五分

肉桂三分

煎湯下保和丸三十溫中丸三十抑青丸十九

廣茂潰堅丸治中滿腹脹內有積堅硬如石形如盤令

人坐臥不寧大小便滯滯為喘氣促面色痿黃

厚朴生五分

黃芩五分

黃連分

草薢五分

益智分五

半夏分七

蓬朮分二

甘草生

紅花蜜一

紫胡

升麻

吳茱萸

澤瀉分二

神龜分三

歸稍分五

青皮分二

陳皮分一

葛根分四

右剉如麻苴大水二盞煎至一盞去渣稍熱服忌酒麪

二服之後中滿減半止有積不消再立方名曰半夏厚

朴湯

厚朴分八

半夏錢一

吳茱萸

肉桂

紅花

黃連分一

桃仁分七

蘇木分五

京三稜

蒼朮

白朮

紫胡

葛根不用

甘草生各三分

歸稍

猪苓

乾姜

升麻分四

草薢分二

澤瀉分六

木香

青皮

陳皮

黃芩生各二分

昆布

神麴

右劉如麻苳大作一服依前煎服之禁忌如前服此藥
二服後前証又減一半却於前藥中加減之

厚朴

黃芩

甘草

吳茱萸

益智

砂仁

荳蔻

半夏

黃蘗

紅花

歸精

黃連

右劉如麻苳大作一服水二大盞煎至一盞去渣稍熱
服食前忌苦寒藥泄大便又忌魚鬼肉并塩物房事等
項

心腹膨脹內多食積所致

南星

半夏

瓜蒌仁

研和

香附

黃連

礞石

蘿蔔子

麝香

連翹

右用麴糊為丸

腹腫不寬滿食肉多

黃連一兩

阿魏半兩

作糊丸同溫中丸白朮湯送下

食肉多腹脹用三補丸料內加香附半夏麴蒸餅丸服三

方見治寒熱

積氣

世四炒枳殼丸治氣血凝滯腹內蠱脹

枳殼四兩去穢切作指面大塊分四處一兩用蒼朮

黃去蘂黃子一兩同炒黃去蒼朮一兩用蒼朮子一兩同炒

右用原炒蒼朮蘂黃子乾漆茴香四味同水二碗煎至

一碗去香煮麴糊為丸如桐子大每服五十丸食後米

飲下

腹中丞其郎中妹十歲腹痛色不變按之而大陷心腹

痞膈病已月餘按甲乙經云三焦脹者氣滿于皮膚中殼

然石堅遂與仲景方厚朴生姜二兩半夏七錢甘草半兩
人參一錢每用藥二兩五錢水煎分三服一日服之至二
十日愈

脉尖脉
俱積積
者微利
之

東一斗置鍋內入水約四指用大戟并根苗蓋遍盆合
之者熱為度去大戟不用旋旋吃東無時東盡决効如神

大戟為丸棗肉丸每七九泄利小水却快實者

沉香

白朮

枳實

厚朴

柴更

白茯苓

澤瀉

陳皮

當歸

大黃

青皮

木香

右為細木湯浸蒸餅為丸桐子大每服五十九加至七
八十九溫湯下食後微利止

沉香海金沙丸治一切積聚脾濕腫脹肚大青筋羸瘦

証

海金砂半五錢 沉香二錢 輕粉錢一 牽牛末兩一

右為末研獨科蒜如泥為丸如桐子大每服三十九加至五十九煎百沸灯心通草湯空腹送下更量虛實加減丸數取利為度

藥 治腫木香散治水腫脹大如鼓或遍身皆腫

木香 大戟 白牽牛各等分

右細末用猪腰子一雙批片摻末在內煨熟空心服之如食左腰子則搗左臂如食右腰子搗右臂如腫不能全去于肚上澆臍滿腹塗甘遂細末却飲甘草水少許其腫便去也

方 香東丸治蟲氣病有十種苦丁香為細末用熟東為丸如桐子大每服三十九煎東湯送下空心服之立効三服

大愈

仲病腹滿發熱十日脉浮而數飲食如故厚朴七物湯主之

厚朴半斤

甘草

大黃各三兩

大棗十枚

枳實五兩

桂枝三兩

生姜五兩

右七味以水一斗煮取四升溫服八合一日三服區者加半夏五合下利去大黃寒多者加生姜至半斤

右下脹諸方蓋本于經所謂泄之則脹已之旨也

寒熱

治脹專主濕熱治法見前補虛行濕條

區諸腹脹大皆屬于熱論此乃八益之邪有餘之証自

天外而入感風寒之邪自表傳裏寒變為熱作胃實腹病日晡潮熱大渴引飲譫語是太陽陽明併大實大滿者大承氣湯下之少陽陽明微滿實者小承氣湯下之內經曰

泄之則脹已此之謂也又熱論云傷寒變為熱故下之不
脹者以明寒因寒用故曰下之脹已非陰盛生內寒胃寒
脹滿之病假令痰滯為脹滿亦有寒脹熱脹是天之邪氣
傷暑而得之不即時發至秋發者何也暑天當時助正氣
故邪不能發至秋暮暑氣衰絕而瘧病作矣知其寒也局
方用交解飲子者是也此天之邪氣雖有餘病痰滯猶以
為寒況不足病為脹滿者乎是知腹脹多為寒病也何以
言之脉經云胃中寒則脹滿靈樞經云夫飲食不節起居
不時末傳寒中又云腹脹滿胃脘當心而痛上支兩脇隔
咽不通飲食不下取胃之三里又云濁氣在上則生膈脹
靈樞經云脹取三陽三陽者足太陽膀胱寒水為脹與內
經通評虛實論說腹暴滿按之不下取足太陽經絡者胃
之募也正同又云腹滿膈脹支兩脇脇下厥上冒過在太

治熱脹

陰陽明此乃胃中寒熱鬱遏也又云太陰之厥則腹滿臍
脹後不利不欲食食則嘔不得卧按內經所說寒脹多如
此老夫但略舉其端其病者不悟寒脹之多一切脹滿病
作熱治之多用三花神佑丸大黃牽牛之類下之或藥病
不相應立致夭折由是論之當從靈樞素問乎當從俗醫
胃臍之論乎今立治中滿臍脹寒脹一方熱脹一方評而
用之使上下分消其氣可也中滿分消湯治寒脹分消
九治熱脹二方並見後條

○

胃中寒則腹脹胃中寒腸中熱則脹而且泄師傳

適

寒涼者脹下之則脹已

五常政論東垣沉香
海金沙丸方見張實簡

陰并于

下則足寒足寒則脹也

論

○

濁氣在上則生臍脹

陰陽應象論云清氣在下則生

發泄濁氣在上則生臍脹此陰陽反作病之逆從也夫臍
脹者以寒熱溫涼論之此何脹也曰此飲食失節為脹乃

受病之始也濕熱亦能爲脹右關脉洪緩而沉弦脉浮干
上是風濕熱三脉相合而爲病也是脾胃之令不行陰火
亢甚乘于脾胃盛則左遷而陽道不行是六腑之氣已絕
于外火盛能令母實風氣外絕風氣外絕者是穀氣入胃
清氣營氣不行便是風氣也異呼同類即胃氣者是也經
云虛則蕪其所勝土不勝者肝之邪也是脾胃之土不足
木火大勝者也經云濁陰出下竅濁陰走五臟濁陰歸六
腑濁陰歸地此平康不病之常道反此則爲脹也陰陽論
云飲食不節起居不時者陰受之陰受之則入五臟入五
臟則膜脹閉塞調經篇云下脘不通則胃氣熱熱氣薰胸
中故內熱下脘者幽門也人身之中上下有七衝門皆下
衝上也幽門上衝吸門吸門者會厭也衝其吸入之氣不
得下歸于腎肝爲陰火動相拒故咽膈不通致濁陰之氣

不得下降而大便乾燥不行胃之濕與客陰之火俱在其
中則腹脹作矣治在幽門使幽門通利泄其陰火潤其燥
血生益新血幽門通利則大便不閉吸門亦不受邪其腸
咽得通腹滿腹脹俱去是濁陰得下歸地矣故經曰中滿
者瀉之于內此法是也

沉香交泰丸治濁氣在上中擾清陽之氣鬱而不伸以爲
腹脹服之以利爲度

方見前

右治脈洪便結而脹

治寒濕
范天秩郎中之內八月中先因勞役飲食失節加之憂思
氣結病心腹脹滿且食則不能暮食兩脇刺痛診其脉弦
而細至夜濁陰之氣當降而不降腹脹尤甚大抵陽主運
化飲食停滯損傷脾胃陽氣不能運化精微聚而不散故
爲脹滿先灸中脘乃胃之募穴引胃中生發之氣上行陽

道後以順氣湯助之則濁陰之氣自此而降矣

木香順氣湯治濁氣在上則生腹脹

木香

蒼朮

草豆蔻

麝香煨
各三分

厚朴

製四
分

青皮

錢一

益智

陳皮

澤瀉

白茯苓

半夏

乾姜

吳茱萸

湯泡各
二分

當歸

人參

各五
分

升麻

柴胡

去芦各
一分

內經曰留者行之結者散之以柴胡升麻之苦平行少陽陽明二經發散清氣運行陽分爲君以生姜半夏草豆蔻益智仁之甘辛大熱消散中寒爲臣以厚朴木香蒼朮青皮之辛苦大溫通順滯氣以陳皮當歸人參辛甘溫調和榮衛滋養中氣濁氣不降宜以苦洩之吳茱萸之苦熱洩之者也氣之薄者爲陽中之陰茯苓甘平

澤瀉賦平氣薄引濁陰之氣自上而下故以為佐氣味
相合散之洩之上之下之使清濁之氣各安其位也
右咬咀都作一服水二盞煎至一盞去渣溫服食前忌
生冷硬物

右治脉弦細脇痛而服

其脈
其細
其脈

中滿分消湯治中滿寒脹寒疝大小便不通陰燥足不收
四肢厥逆食入反出下虛中滿腹中寒心下痞下焦燥寒
沉厥奔豚不收二服愈

黃芪分五

益智

半夏分三

川烏分一

吳茱萸

草薢各五分

人參

木香

青皮

當歸

黃連分二

厚朴分五

茯苓

澤瀉

生姜

麻黃各二分

升麻分三

柴胡稍

乾姜

葶藶各二分

黃栢分五

右剉如麻苳大作一服水二盞煎至一盞去渣稍熱服食前大忌房勞酒麪生冷硬物油膩

附治大人小兒因食果子多而腹脹氣急者肉桂細米飯丸苳苳大每服十九小兒五粒熱水下經方

附靈樞經云腹滿大便秘不利上走胃臆喘息喝喝然取足少陰取者瀉也宜以辛熱散之

良姜 肉桂 益智 草苳苳仁

厚朴 升麻 甘草 獨活使

黃栢少許引用

又方桂枝 桔梗 人參 青皮炒

陳皮 良姜 白朮 澤瀉

吳茱萸

四肢濕腫宜繆刺先瀉其血結後調其真經謂刺去其結是也

治心腹脹滿短氣以草薢薤一兩去皮為細末生姜湯

調下五分

太陰所至為畜滿 辨云脾為陰中之太陰又云脾為

陰中之至陰乃為坤元耳古不遷之土天為陽火也地為陰水也在人則為脾同陰水之化脾有餘則腹脹滿食不化故無陽則不能化五穀脾虛乃大寒為脹滿故脉經云胃中寒則脹滿大抵此病皆水氣寒濕為之也治宜大辛熱之劑必愈然亦有輕重

木香場氣丸治中滿腹脹下焦虛損者

蘿蔔子

陳皮

去白各五錢

胡椒

二錢

草薢薤

面裹

木香

青皮

各錢

蝎梢

去毒二錢半

右為細末水調為丸如桐子大每服三十九溫米飲下

諸病有聲之如鼓皆屬于熱

忌油膩服白粥百日愈者一年小兒九如麻子大桑皮
皮湯下十九日三服大人陰囊洪腫冰冷須用青鹽乾
姜白麩各三錢水和膏攤紙上貼

諸脹腹大皆為熱見文 中滿分消丸治中滿熱脹鼓脹氣脹水氣脹大熱脹有
寒者不治

黃芩炒

黃連子五錢炒

姜黃

白朮

人參去

甘草炙

緒苓

去皮各一錢

白茯苓去皮

砂仁各二錢

枳實炒

半夏

湯泡各五錢

乾姜二錢

厚朴

去皮炒一兩

知母炒四錢

澤瀉二錢

陳皮三錢

右共為細末水浸蒸餅為丸如桐子大每服一百丸焙
乾白湯下食後寒因熱用故焙服

有第二小娘食積挾濕手足生瘡腹滿面浮口渴食少

膈滿小便少大便實

大腹皮

乾薑各二錢

黃芩五錢

陳皮五錢

厚朴三錢

川芎三錢

炙甘草一錢

白朮二兩

木通半兩

姜三片煎服

南二孺人面浮肚脹

蒼朮五錢

黃柏三錢

白朮兩半

陳皮二錢

木通二錢

川芎五錢

滑石炒錢半

甘草三錢

厚朴五分

裴孺人年五十二歲氣上膈滿食少此積熱生濕診得左三部滿小右三部微數重取則大者得無積熱為可治之病

白朮一兩

青皮三錢

陳皮

厚朴各五錢

大腹皮二錢

片苓少

木通錢五

蘇梗

氣分
血分

川芎

各三錢

桂枝

三錢

甘梢

一錢半

分十貼姜二片煮飲之前查之湯下保和三十九

經患腹脹滿夯悶掘山梔根少許煎水調一盞服 女人血氣腹腫以山梔根末三錢熱酒空心服之

寸口脉遲而清遲則為寒寒瀋則為血不足跌陽脉微而遲微則為氣遲則為寒寒氣不足則手足逆冷手足逆冷則榮衛不利榮衛不利則腹滿腸鳴相逐氣轉膀胱榮衛俱勞陽氣不通即身冷陰氣不通即骨寒陽前通則惡寒陰前通則痺不仁陰陽相得其氣乃行大氣一轉其氣乃散實則失氣虛則遺尿名曰氣分

氣分謂氣不通利而脹血分謂血不通利而脹非脹病之外又別有氣分血分之病也蓋氣血不通利則水亦不通利而尿少尿少則腹中水漸積而為脹但氣分心

下堅大而病發于上血分血結胞門而病發于下氣分
先病水脹後經斷血分先經斷後病水脹也血分治法見水腫張

藏府

腹滿臌脹支兩脇脇下厥上冒過在足太陰陽明全文見治虛寒

太陰所謂病脹者太陰子也十一月萬物氣皆藏于中

故曰病脹脾解篇

右脾胃脹治法見前補虛行濕條諸方是也

腎氣實則脹全文見治虛寒條二陰一陽發病善脹心滿善氣

全文見診

病傳變

運氣脹有七

一曰濕助脾盛而脹經云諸濕腫滿皆屬脾土又云歲土太過甚則飲食中滿又云歲土不及濕乃大行民病腹滿

又云上鬱之發民病心腹脹滿腸鳴又云太陽司天寒氣下臨濕氣變物水飲內畜中滿不發甚則胕腫治以諸熱是也

二曰風攻脾虛而脹經云厥陰在泉風淫所勝病腹脹治以辛涼是也

三曰寒脹經云水太過曰流衍流衍之紀其病脹又云歲水太過寒氣流行甚則腹大脛腫又云水鬱之發民病痞堅腹滿又云太陽之勝皮膚痞腫腹滿又云太陰司天之政民病寒濕腹滿身臃胕腫三之氣感于寒濕民病胕腫胸腹滿治以諸熱是也

四曰燥脹經云陽明之復腹脹而洩治以溫劑是也

五曰寒鬱熱于中而脹經云陽明司天之政初之氣寒雨化其病中熱脹又云太陽司天之政二之氣大涼反至火

氣遂抑民病氣鬱中滿是也

六曰寒熱相薄而脹經云少陰司天之政水火寒熱接于氣交民病腹脹大又云太陰司天之政四之氣寒風曉暮蒸熱相搏民病心腹滿熱臃脹甚則肘腫是也

七曰火鬱之發脹經云火鬱之發民病腸腹胸背面首四肢臃憤臃脹是也

雜方

治腹滿不能服藥導引方取獨蒜煨熟去皮納下部冷即易

針灸

黃帝曰脈之應于寸口如何而脹岐伯曰其脈大堅以濡者脹也黃帝曰何以知臟腑之脹也岐伯曰陰爲臟陽爲腑帝曰夫氣之令人脹也在于血脈之中耶臟腑之內乎岐伯曰二者皆有焉然非脹之舍也帝曰願聞脹之舍岐伯曰夫脹者皆在于臟腑之外排臟腑而郭胸脇脹皮

爾故命曰脹黃帝曰臟腑之在胸脇腹裡之內也若匣匱
之藏禁器也各有次舍異名而同處一域之中其氣各異
願聞其故岐伯曰夫胸腹臟腑之郭也膺中者心主之宮
城也胃者太倉也咽喉小腸者傳送也胃之五竅者閭里
門戶也廉泉玉英者津液之道也故五臟六腑者各有畔
界其病各有形狀帝曰願聞脹形岐伯曰夫心脹者煩心
短氣臥不安甲乙經云心輪主之亦取到訣肺脹者虛滿而喘欬甲乙經云
肺輪主之亦取太淵肝脹者脇下滿而痛引少腹甲乙云肝前主之亦取太衝脾脹者善噦四肢煩惋身重不能勝衣臥不安甲乙云脾俞主之亦取腎脹者腹滿引背央央然腰髀痛甲乙云腎俞主之亦取太白胃脹者腹滿脘骨痛鼻聞焦臭妨于食大便難甲乙云
脾主之亦取章四大腸脹者脹鳴而痛濯濯冬日重感于寒則
食洩不化甲乙云天小腸脹者少腹脹引而痛甲乙云

邪主 膀胱脹者少腹滿而氣癰甲乙云曲 三焦脹者

氣滿于皮膚中輕輕然而不堅甲乙云石 膽脹者脇下

痛脹口中苦善太息甲乙云陽 凡此諸脹者其道在一

明知逆順針數不失瀉虛補實神去其室致邪失正真不

可定粗之所敗謂之天命補虛瀉實神歸其室久塞其空

謂之良工黃帝曰脹者焉生何因而有岐伯曰衛氣之在

身也常然並脈循分肉行有逆順陰陽相隨乃得天和五

臟更始四時有序五穀乃化然後厥氣在下榮衛留止其

氣逆上真邪相攻兩氣相搏乃合為脹也榮氣循脈衛氣

逆為脈脹衛氣並脈循分為膚脹三里而瀉近者一下遠

者三下無間虛實上在疾瀉榮衛循脈至此三十九字原

忽聞之上有三里而瀉之上當有脈簡甲乙云凡黃帝曰

五臟六腑之脹皆取三里三里者脹之要穴也黃帝曰

善何以解惑岐伯曰合之于真三合而得帝曰善黃帝曰

脹論言無問虛實工在疾瀉近者一下遠者三下今有其
三而不下者其過焉在岐伯曰此言陷于肉盲而中氣穴
者也不中氣穴則氣內閉針不陷盲則氣不行上越中肉
則衛氣相亂陰陽相逐其于脹也當瀉不瀉氣故不下三
而不下必更其道氣下乃止不下復始可以萬全烏有殆
者乎其于脹也必審其脉當瀉則瀉當補則補如鼓應桴
惡有不下者乎

刺灸脹有七法

其一取血絡經云膚脹先取脹之血絡是也

其二取胃經前篇脹論所謂三里而瀉近者一下遠者三
下無問虛實工在疾瀉是其一法也又云胃者水穀之海
其輪上在氣街下至三里水穀之海有餘則腹滿審守其
輪調其虛實又云胃病者腹膜脹取之三里也又云胃足

陽明之脈是動則病齋響腹脹胃中寒則脹滿視盛虛熱寒陷下取之是脹病大法皆瀉胃穴三里也

其三取脾經云腹滿食不化腹響響不能大便取足太陰又云脾足太陰之脈是動病腹脹噎噫視盛虛熱寒陷下取之又云脾虛則腹滿腸鳴飧洩取其經太陰陽明少陰血者又云足太陰之別名曰公孫去本節之後一寸別走陽明其別者入絡腸胃虛則鼓脹取之所別也是脹之虛者多補足太陰脾穴也

其四取腎膀胱經云腎病者腹大脛腫取其經少陰太陽血者又云腎藏志志有餘則腹脹發洩瀉然筋血者又云邪在腎則病腹脹腰痛大便難取之湧泉崑崙是有血者盡取之又云腹滿大便不利腹大亦上走胸脇喘息喝喝然取足少陰又云男子如蠱女子如阻身軀腰脊如解不

欲飲食先取湧泉見血是跗上盛者盡見血也又云脹以三陽是脹病多瀉腎經諸穴也

其五取三焦委陽穴經云三焦病者腹氣滿小腹尤堅不得小便窘急溢則水留即為脹取委陽是也蓋不得小便則水無所泄其水溢出皮膚腫者為水其水留于腹中獨腹脹者為脹也

其六取肺經云振寒洒洒鼓顙不汗出腹脹煩悵取手太陰是也

其七取厥病成脹經云陽明之厥腹滿不得臥太陰之厥腹滿臍脹少陰之厥腹滿心痛厥陰之厥少腹腫痛腹脹盛則瀉之虛則補之不盛不虛以經取之是也

鼓脹之狀腹身皆大 臍上下左右各刺二分 中脘通關三里手 膚脹之狀空而不堅腹身盡腫按之陷而

不起 太白 公孫 復溜 絕骨 三里 分水

三腹脹 分水半二寸 氣海 三里 三陰交 人中

腹脹并兩足有水 內庭五分 臨泣三分 瀉用香油抹

瀉腹暴脹按之不下 中脘 氣海 三里

瀉單蠱脹氣喘 水分在分水旁各一寸半針

又法 分水 三里 行間 內庭 右關 氣海各灸二七

瀉腹脹臍突缺盆中滿尻腰腫 大敦 天牖 崑崙

甲寒氣腹滿臍淫濺身熱腹中積聚疼痛衝門主之 腹

滿嚮嚮然不便心下有寒痛商丘主之 腹脹善滿積氣

關門主之 腹中氣盛腹脹逆不得卧陰陵泉主之 腹

脹腸鳴氣上衝胃不能久立腹中痛濯濯冬日重感于寒

則洩當臍而痛腸胃間遊氣切痛食不化不嗜食身腫俠

臍急天樞主之 腹中有大熱不安腹有大氣相和扶暴
腹脹滿癢淫瀼氣衝主之 腹滿痛不得息正卧屈一膝
伸一股並氣衝針入三寸氣至瀉之 腸中寒脹滿善噫
聞食臭胃氣不足腸鳴脹滿腹滿洩食不化心下脹三里
主之 大腸有熱腸鳴腹滿俠臍痛食不化喘不能久立
巨虛上廉主之 腹滿不嗜食衝陽主之 寒腹滿脹厲
兌主之 男子如蠶女子如阻寒熱少腹偏腫陰谷主之
胃中寒脹食多身軀羸瘦腹中滿而鳴腹脹風厥胸脇
痞滿嘔吐脊急痛筋攣食不下胃輸主之 頭痛食不下
腸鳴臛脹欲吐時泄注三焦俞主之 腹滿臛脹大便泄
意舍主之 臛脹水腫飲食不下多寒胃倉主之 腹滿
不能食刺脊中 寒中傷飽食飲不化五臟臛滿脹心腹
胸脇痞滿脉虛則生百病上脘主之 腹脹不通寒中傷

診

飽食飲不化中脘主之 水腫水氣行皮中陰交主之
水腫腹大水脹水氣行皮中石門主之 腹滿胃中有熱
不嗜食懸鍾主之

素脉盛而紫曰脹

平人氣象論○脹論
脉大堅以瀉為脹

唇偏舉者脾偏傾脾偏傾則善滿善脹

全文見診

腹脹身熱

脉大是逆也如是者不過十五日死矣

全文見診生死下同○脈或兼身熱

或熱如瘧狀皆不可治緊驗

腹大脹四末清脫形洩甚是逆也如是

者不及一時死矣

腹脹便血其脉大時絕是逆也

嘔

咳腹脹且飧泄其脉絕是逆也

少陰終者面黑齒長而

垢腹脹閉上下不通而終矣

太陰終者腹脹閉不得息

善噫善嘔則逆逆則面赤不逆則上下不通不通則面

黑皮毛焦而終矣

少腹脹滿

水 初若臍下脹滿是也若先臍下滿漸延反臍上滿者亦用此法

澤漆湯治石水四肢瘦腹腫不喘其脉沉

澤漆洗去腥 桑白皮 射干洗 黃芩

茯苓 白朮各四兩 澤瀉 防己各二兩

右㕮咀每服五錢水三盞烏豆一合煎二盞入藥同煎七分去渣空腹溫服日三

治腹堅脹滿號石水方用白石藥十兩搥大豈大以甕
甕盛用好酒三斗浸以泥重封甕口用馬糞及糠火燒之
長令酒小沸從卯至午即住火候次日煖一中盞飲日可
三度如吃酒少隨性飲之其白石藥可更一度燒之

陰陽結邪多陰少陽曰石水少腹脹 腎肝并沉為石
水論 腎脉微大為石水起臍已下至小腹腫歷然上
至胃脘死不治

【調】腸軍寒氣客于腸外與衛氣相搏氣不得榮因有所繫
癖而內着惡氣乃起瘕肉乃生其始生也大如鷄卵稍以
益大至其成如懷子之狀久者離歲按之則堅推之則移
月以時下此其候也

【調】肺露丸治寒傷于內氣凝不流結于腸外久為癥瘕時
作疼痛腰不得伸

京三稜

廣茂

各一兩酒浸

乾漆

五錢洗去
蘆炒如尽

茴香

三錢
蘆炒

硃砂

四錢
另研

輕粉

一錢
另研

川烏

半兩炮
去皮脂

青皮

三錢
去白

雄黃

三錢
另研

川山甲

二錢
炮

麝香

五分
另研

巴豆

三十粒去皮同廣茂三稜
炒令紫黃色去巴豆不用

右除另研四味外餘為細末和勻生薑汁糊為丸桐子
大每服二三十丸溫生薑湯送下溫酒亦得食前

【調】烏喙丸治腸覃亦治乳餘

烏礬炮去皮一錢 半夏湯洗四錢 石膏煨 藜蘆炒

牡蠣 茯苓酒浸 桂心 乾姜炮各一錢

巴豆七個可分

右末蜜丸如菰苳大每服三五丸食後酒飲任下亦治

男子疝病

石瘕

經云石瘕生於胞中寒氣客于子門子門閉氣不得通惡血當瀉不瀉鮮以留止日以益大狀如懷子月事不以時下皆生于女子可導而下之

見見硯丹治寒客于下焦血氣閉塞而成瘕空大必不消者

附子四錢炮去皮 鬼箭羽三錢 澤瀉 肉桂

玄胡索 木香各二錢 紫石英一錢 檳榔二錢半

血竭錢半另研 水蛭炒一錢 桃仁湯浸去皮炒黃三十個

京三稜錢五 大黃錢二 同京三稜錢一 倍乾

右除血竭桃仁外同為細末和勻用原浸酒打糊為丸
桐子大每服十丸溫醋湯送下溫酒亦得食前

石莢散治婦人血結胞門或為瘕瘕在腹脇間心腹脹
滿腫急如石水狀俗謂之血蠱

紫石英兩一 歸尾 馬鞭草各五錢 紅花炒半兩

烏梅肉五錢 蓮木炮 三稜地 蘇木節

沒藥 琥珀研各一錢 甘草一錢

右為末濃煎蘇木酒調下二錢不飲酒姜湯調服

脈問曰病有血分水分何謂也師曰經水前斷後病水名

曰血分此病為難治先病水後經水斷名曰水分此病易

治何以故去水其經自當下水分即氣分也

脈寸口脈沉而遲沉則為水遲則為寒寒水相搏跌陽脈

治

伏水穀不化脾氣衰則爲泄胃氣衰則身軀腫少陽脉平少陰細男子則小便不利婦人則經水不通經爲血血不利則爲水名曰血分是也 師曰寸口脉沉而數數則爲出沉則爲入出則爲陽實入則爲陰結跌陽脉微而弦微則無胃氣弦則不得息少陰脉沉而滑沉則爲在裏滑則爲實沉滑相搏血結胞門其瘕不瀉經絡不通名曰血分 大黃甘遂湯治女人小腹滿如敦敦狀小便微難而不渴爲水與血并結在血室也

大黃

四兩

甘遂

炮

阿膠

炒各二兩

右剉散每服三錢水一盞煎至七分去渣溫服其血當下

萬病丸治室女月經不通臍下堅結大如杯升發熱往來下痢羸瘦此爲血瘕若生肉瘕不可爲也

乾漆碎炒令出

牛膝酒浸一宿

生地黄四兩八錢取汁

右以地黄汁入下二味爲末慢火熬候可丸即丸如梧子大空心米飲或溫酒下一丸日再勿妄加病去止藥
女人氣血虛經不行者不可服之

針灸

圖小腹滿大上走胃至心淅淅身時寒熱小便不利取足厥陰雜疾

甲石水痛引脇下腹頭眩痛身盡熱關元主之 振寒大腹石水四滿主之 石水刺氣衝 石水章門及然谷主之 又天泉主之

世腸覃之狀內着惡氣乃起瘕肉大如鷄卵日以益大其成也如孕推之則移 中極 氣衝 天樞 五福 石瘕之狀生于胞中惡血不通日以益大如孕 陰陵泉

去腹中
復溜
腹溫方可去

胎前腹脹

滯氣

大紫蘇飲治妊娠心腹脹滿而脇妨悶
方見婦人胎

寒熱

枳殼湯治婦人妊胎腹脹

枳殼兩三 黃芩兩一

右爲粗末每服五錢水盞半煎溫服

治胎前腹滿身軀沉重枳殼湯中加白朮一兩

仲婦人懷妊六七月脉弦發熱其胎愈脹腹痛惡寒者小
腹如扇所以然者子藏寒故也當以附子湯溫其藏
附子方

見傷寒

婦人傷胎懷身腹滿不得小便從腰已上重如有水氣狀
懷身七月太陰當養不養此心氣實刺瀉勞宮及關元小
便微利則愈

治產後血與惡露不下因而血脹用杜牛膝杵碎用水熬成膏去渣每服一碗未和再服神効 子母產後穢汚不盡腹滿用麻子三兩酒五升煮取一升分溫二服當下惡物

出 干 治產後穢汚下不盡腹滿生姜二斤以水煮取汁服即

日華 治產後血脹苗葉同功乃益母草子也

保 紫金丹治產後腫胸中有物狀是噎氣不降

代赭石

硃礬石

各等分按本草並無硃礬石止有兩石一名礬石即其能破宿

血下石淋除積結伏鬼物惡氣疑即此也

右為細末醋糊丸桐子大每服三十五丸酒下胸中痛

加川歸湯下久服治血癖

大 抵聖湯治產後腹脹滿悶嘔吐不定不可用尋常治膠

止吐藥

赤芍藥

半夏

澤蘭葉

人參

陳皮各一分

甘草一分

右咬咀用水一碗生薑焙乾五錢煎至半碗去渣分熱三服

丹陽禮五孺人癰產後腹滿暑渴不飲脉却虛

白朮

炒六錢

陳皮五錢

白芍

炒極熟二錢半

厚朴

川芎

各二錢

每服加海金沙一錢

分四貼煎下保和丸共五粒

天枳木湯治虛後心腹大如盤

方見脈門補虛條

保又方

代赭石兩

棗仁

三十去尖

大黃兩半

右細末薄荷水調丸三五十九溫水下無時

治產後腹大堅滿不能卧白聖散

樟柳根

大戟兩

甘遂兩

右細末每服二錢熱湯下取大府利為度此主水氣之妙藥也

針灸

甲婦人產後餘疾飲食不下胸脇支滿目眩足寒心切痛善噫聞酸臭脹痺腹滿小腹尤大期門主之